

ኦይትምስባብ ጴጥሮስታ እርንዳ ክቴና እርድንታ

ኦይትምስባብ ጴጥሮስታ እሪንዳ ክቴና ጸፍምሳን ክቴንታ ዋሪ “ሳብታ እድምሳን ዋርሳ” ጋይምሶ ኤልምድባብከሰካንተኬ ዘርመርሳካ ዶቅድን መራ እስያ ፍጨናር ይጭምስባብ እመንድባብከሰካንቴ፥ ክት ጸፍሳን ክተንታ እፍ ማድን ኬዘና ኬታ እመንንሳካ ዳይርኬ ማጠካ ኬታዘን የልሰካን **ዐቅባብ** ናብብድባብከሰም ዳቅሰካንተኬ ዛብሰካንቴ፥ ኖ ጸፍነረ ኮም ክት ይድንዳ ክታ ደእነትንደትም፥ ክታ እምንቴንትንደትም፥ እና ማት ክታ **ዐድንተንታ** **ዐድን** ጉርምን ኬዘድንደትም የሱስ ክርስቶስታ ክላ ኬዘንታ ቃለን ናብብድባብከሰካንታ ገቀርሰኬ፥ የሱስ ክርስቶስታ ዶቅንቴን ካምሰካ ሰደሮ ማጠንም ዳንዳእካ ተይ ከትም ዝግዝድንደትም ገቀርሰዘዳ፥ ኮትኮከረ ክክን የቕካ ማጠና ኬታ እመንና ዶፈን ማትንቴን ጳጭምድንደትምኬ “የሱስ ክርስቶስ መያ ማድን ሰጨንካ” ከትካንታ ዝግዝድን ናክን ከት ተይድንድትም ከትም ገቀርሰዘዳ።

ኖ ጸፍና ማጠናይካ ከት ዳንዳእድንግንዳ ዛብሰንዘንከረ ጉጅሶ ናብብድባብከሰ ክርስቶስም ጎርሰምድባብከሰ ዶቅንት ከትም ዝግዝድንደትከካ ከት ዶቅተርንግንዳ ከትም ገቀርሰዘዳ።

ማጻፍን ኮትኮታ ሙዳ የድንተና

እርድንታ (1:1-2)

ሳብታ እቅሰን ገቀርሰዘድንዳ (1:3-12)

ሳብካንታ ፋሰምሳን ዶቅንትን ዶቅካንታ እምምሳን ዘራ (1:13—2:10)

ማጣ ሰጨንካ ክርስቶሳር ማቕባብከሰም ኦይሰዘድን ሪ (2:11—4:19)

ክርስቶሳር ማቕባብከሰ ይንታ ማተን ይርክሳ ይይንተኬ ሳብታ ፍክሰንሳካ (5:1-11)

በእንታ (5:12-14)

¹ የሱስ ክርስቶስታ ኦይትምስባብ ጴጥሮስዘንካ፥ ሳብካንታ

የ እድምሳንጎካ ዳይርምሰባብ ማትሰቶ ጸንጦስታር፥ ገለትያር ቀጽዶቅታር፥ እስየታር፥ ብታንየታር ይጭምሰቶ የ ዶቅድባብከስካንታ፥

² ሳብ ባቤና እርምሶ ክት ገቀሳንደትግንዳ የሱስ ክርስቶስካንታ ክትምካንትኬ ክታ ማቀሰንካ ሰኤርሰቶ ጭልምካንታ እያን ጭልንካ ሳብካንታ የ ፋሰምሰባብከስካንታ፥ ሳብታ ዉች እምንተንኬ ሳራትችንካ የካንታ ቦዳ።

ሰለንካ ዶቅድን ዐድን ጉርም

³ የሱስ ክርስቶስ ደእናርንካ እምሳንጎካ ሰለንካ ዶቅድን ዐድን ጉርምን ዋካንታ እምሰባብ፥ እንድር ክታ ኤጭርናር ክላ አጥርንካ ይንታ ይንች ዋም ማሰሰባብ፥ ዋንታ ጮይሰን የሱስ ክርስቶስታ ባቤን ሳብና ጋለትማ፥

⁴ ኖየረ ካይዳክንደትም፥ ባዳክንደትምኬ ገሰርዳክን ባእ ጭላር የካንታ ግግሰቴ።

⁵ የተረ በእንታ ሰጨንካ መያ ማድን አቅንተንታ አመንንጎካ ሳብታ ዋልቀካ ካርሰምተቴ።

⁶ ዐረሰረ ዋራ ዐክዐክ ጸጨንከሰ መራ ሰጫካንታ የም ማእዘድንዳ ማችንከረ ሳብካ የም ጉርምሳ።

⁷ ኮና ጸጨና የንዘን የልድንዳ የንታ አመንንታ ዶፈንን መያ ማሰካንቴ፥ ካይድንዳ ዋርቀና ዋራ ኖሄካ ጸጭምዴ፥ ዋርቀንዘንካ ሰግሶ ቦንችምሳን የንታ አመንና ኮትኮግንዳ ጸጭም ዝግዝዴ፥ ኮነረ ጸጭምሳን የንታ አመንና የሱስ ክርስቶስ መያ ክት ማድንደትዐይካ እምምድንደት ጋለትን፥ ቦንጅንምኬ ጎፍሰም የካንታ ዐብዝዴ።

⁸ የሱስ ክርስቶስም ሰዳከትዶቆ ዋራ ክትም ሶልምደቴ፥ ታ ዋራ ክትም ሰዳከትዶቆ ክትካ አመንደቴ፥ ኮና ኩኔ ጋይምዳክንደትኬ ቦንችምሳን ጉርምካ የም ጉርምዝዴ።

⁹ የንታ አመንከረ የካርዘድንደትም የንታ ሰንፔንታ አቅንተን ዐፍተረቴ።

¹⁰ ኮካንታ አቅንተንጎካ የካንታ ማድን ዉች እምንተን ቤሪካ ሳብዘንካ ኤሰርሶ ከዘድባብከሰ ኡርሰት ዝግሰኮ ገቀርት ተይተኬ።

¹¹ ከትከረ ዐቃን ክርስቶስታ እያንና ክት ሳይምሰባብዘን የልድን ማጠንኬ ማጠንተረ ቡር ዐፈርድን ቦንቻ እሪምሶ ሰችሰቴ፥ ከተረ ኮና ሙዳ ዐራ ሰጫርኬ ዐስግንደካ ማዳናከረ ማለካ ገቀርድ ዐቀኬ።

12 ኬታኬና ሳብዘንካ ኤስርሶ ኬዝድባብ ከሰ ፍግዝድ ከት ዐቃንደና የካንታዳት ኬታ ይንታ ማተን ማታክንደትም ከትካንታ መያ ማቴ፡ የካንታ ከት ፍክሳንደረ ጭላርንካ ኦይትምሳን እያን ጭልንካ ታ ክላ ኬዘን የካንታ ከት ኤስምሳንዳ ኤድ የካንታ ኬዘንደትም መያ ማሰኬ፡ ኮም ሪን ክታይንቶንከሰ ዎራ ሰድንካንታ እንገርደኬ።

ሳብካንታ ፋስምሶ ዶቅ

13 ኮካንታ የንታ ዎክጫምናር ሶቀርሰቶ ኡርሰሰቶ ፍክሰካንታ ግግምከቴ፡ የንታ ዶቅድንደትግንዳ ዶእከቴ የሱሰ ክርሰቶሰ መያ ማድንድትዐይካ የዐብድን ወች እምንተንታ ቦድማ ማቻንዳ ዐብድን ጉርም የንታ ዶቅ።

14 ታ ክትምድን ይንች የ ማቻንካንታ ኤና እሪ ኤሳከትዶቆ የዐቃን ዳቅል እንግርን ዐይ ጎርሰመቴ።

15 ኬዛር ማቼ የም ኤልሰባብ ሳብ ፋስምሰባብ ማቻንግንዳ የተረ የንታ ዶቅንትንካ ሙዳ ሳብካንታ ፋስምሰባብ ማትከቴ።

16 ኮካንተረ “እታ ፋስምሰባብ ማቻንካንታ የተረ ፋስምሰባብ ማትከቴ” ጋይምሶ ጸፍምቴ።

17 ዐባንተረ ባላካንታ ኦሰናክሳ ዋልቃ ዋልቀንካንታ ፍክሰንግንዳ ፋረድባብ ሳብም “ዎንታ ባቤና” ጋይሰቶ የ ኤልድንዳ ማቼ ኮ ፍጫሙደንዘን ሶች ማትሰቶ ዶቅደቶ ክትም ጸሰካ ዶእከቴ።

18 የታ የንታ ባቤንከዘንካ የተያን ወች መይዳክን ዶቅንትናርንካ የቆት ተይምሳንዳ ካይድን ሪ ብረካ እነረ ዎርቀካ ማታክንደትም ኤዘደቴ።

19 የቆት ተይምሳንዳ ኦሰንዘድን ሪ እነረ ዳቅል ሪካየንደትካ ጭል ቆለን ማቶባብ ክርሰቶሰታ ቦንቶምሳን ማቀሰኬ።

20 ክርሰቶሰ ኤስምሳንዳ ፍጫ ሙደና ፍዝምተርንደታ እሪ ማድንካ ታ በእንታ ሰለናር የካንታ መያ ማቴ።

21 የንታ ኦመንኬ ዐብድን ጉርምና ሳብካ ማድንግንዳ የሱሰካ ክትም ደእያርንካ እምሰባብከኬ ቦንቼም እምሰባብ ሳብካ እመንምደቴ።

22 እመንድባብከሰካንታ ቡዳርንካ እጭር ጮጫንዳ ሶልማ የንታ ዶቅተርንግንዳ ዶፈንካንታ ክትምካ የንታ ሰንፔን

ጭልሰተቴ፤ ኮካንታ ጮጭ * ቦድማ ቡዳርንካ ክክ ክክ ኡርሰት ሶልሞከቴ።

23 ቃሰትሞስ የ አጠርሞሳንደና ሰንፔካ ማችባብኬ ሰለንካ ዛብሶ ዶቅድባብ ሳብታ ቃለንካ ካይዳክን ሱሳርንካ ዳት ካይድን ሱሳርንካ ካዬ፤

24 ጭል ማጻፍና ጋይድንግንዳ፤
 “ዋህ ቆበርሰባብ ሙደና ድራግንደ፤
 ቦንቹነረ ሙዳ ቆቻር ቦና ግንደ፤
 ድረነረ ዋጅዴ፤ ቦነነረ ድንግዴ፤

25 ጮይሰታ ቃለና ማቼ
 ሰለንክንደታ ዳቅሶ ዶቅዴ።።
 የካንታ ሳባክሞሳንደረ ክላ ኬዘና ኮኔ።

2

ዶቅንት ሰይንኬ ሳብካንታ ፋሰሞሳን ዋርሳ

1 ይና ዳቀልሰን ሙዳ፤ ገሰን ሙዳ፤ ስከንሞኬ ቀሞሰን፤
 ዐገምንመረ ካርከዘን የንዘንካ ዋይሰከቴ።

2 እክ አጠርሳን ይንቹ ራጭም ከት እንገርድንደትግንዳ የተረ እቅንታካንታ ጋጸረቶ የ አይድንደታ ጭለጭል አያንታ ኤሰሰን እንገርከቴ።

3 የ እንግርካንታ ማድንደረ “ጮይሰ እማባብ ክታ ማትንተን የ ኤዘድንዳ ማቼ።።

4 ኮካንታ ዶቅንት ሰይን ማችባብ ጮይሰ የሱሰደር ቅንቹምከቴ፤ ኮና ሰይንና ኤድና ቶችሶ ከት ዛቅሰባብ፤ ሳብደር ማቼ እድምሰባብኬ ቦንቹምሰባቤ።

5 ጮይሰ የሱሰደር የ ቅንቹምድንዳ ዶቅንት ሰይንንከሰግንዳ አያንታ ኤሀ ማትሰቶ ዋድምካንቴ፤ ኮግንደካ የሱሰ ክርሰቶሰንካ ፓርምዘድን አመንንታ ካሲን ሳብካንታ ግክሰካ ሳብታ ፋሰምሰባብ ቄሰንከሰ ማተረቴ።

6 ጭል ማጻፍናር
 “ይና! እድምሳንደትኬ ቦንቻ ማቻንዳ
 ኤሄንታ ዱረዘን ማድን ሰይንን ጽዮናር ዋድቴ፤
 ክትከረ አመንድባብ ቦድሶ ኦሰናዬ”
 ጋይድን ቃለና ጻፍምሶ ዶቅዴ።።

* 1:22 ጮጭ ጋይድንደትም ዋልቃ ዋልቃ ኤና እር ንከዘን “ጭል” ጋይደኬ።

1:25 ኢሳ. 40:6-8።

2:3 የቺ 34:8።

2:6 ኢሳ. 28:16።

7 ይና የ አመንድባብከሰካንታ ኮና ሰይንና ቦንቹ፤
አመንዳክባብከሰካንታ ማቼ

“ሰይን ኤሄን ዎድባብከሰ ቶቶሶ ኬት ዛቅሳንዳ ሰይንና
ኤሄንታ ዱረዘን ማቼ”።

8 ጉጅሰረ፤

“ኮሰቼቴ! ኤድንከሰም ጎሄርዝድንዳ ሰይን፤

ኮሰቼቴ! ኤድንከሰም ጎሄርሰሶ ዋቕዝድንዳ ሰይን
ላዘይ” ጋይዴ።

ኬታ ቃለን አመንክሳ ጎግንተንካ ጎሄርደኬ፤ ኬታ ኤና እረረ
ኮካንታ ጋይምሰባብ ከሰኬ።

9 የታ ማቼ ኡማርንካ በርእዘድን ሳክማር የም ኤልሰባብ
ሳብታ በርእዘድን ፍክሰን የ ጨቅድንግንዳ እድምሳን አጥር፤
ባንቸንታ ቄሳ፤ ሳብ ይንታ የም ማሰሰባብ ክትካንታ ፋሰምሳን
ዎርሰቴ።

10 የታ ኤና እሪ ሳብታ ዎርሳ ካየትዶቆ፤ ታ ማቼ ሳብታ ዎርሰቴ፤
ኤና እሪምሰቶ አጭርን ዐፋክትዶቆ፤ ታ ማቼ አጭሪንም
ዐፋተቴ።

ሳብታ ፍክሰንባብከሰ

11 እስታ ገርነንከሶ፤ ኮ ፍጫሙደንዘን ሶቕኬ ባርቅባብ
የማቸንካንታ ሰንፔካ ክክን ዳምድባብከሰ ዋሄታ እንግርዘንካ
የ ጎተርድንግንዳ ዋደ የም ጋይድቴ።

12 ዐረንግርካ “ዳቅልን ይድባብከሰኬ” ጋይሰኮ የንታ ካሪ
ኬዝድባብከሰ ከትማቸንከረ ዎራ ሳብ ዎም ሰድንካንታ ዐድን
ሰጩንካ እይሁድማታክባብከሰ የንታ ኡርማ ፍክሰን ሰድሰኮ
ሳብም ኬት ጋለድንግንዳ ኬታ ዎክያር ዶቅደቶ ኡርማ እዛ
የንታ ዶቃ።

13 ጮይሰካንታ ጋይሰቶ ገችታ ኤራ እምምሰባብከሰካንታ
ክትምከቴ፤ ሙደንታ ዘርመካ ገችታ ኤረንባብ ክት ማቻንካንታ
ባንቸንካንተረ ክትምከቴ።

14 ፍጩን ቆልድባብከሰካንተረ ክትምከቴ፤ ኬታ ዳቅል
ፍግዝድባብከሰም ዋጭካንታ፤ ኡርማ ፍግዝድባብከሰም
ጎፍሰካንታ ባንቸንከዘንካ ክትምሰባብከሰኬ።

15 ኡርማ ይይንተካ ዳቼንከሰታ ኤሳክሳ ኬታ ኬዘን ጫምሳ የ ይይሰሰተርንግንዳ ሳብታ ጋይቲ።

16 ሳብታ ፍክሰንባብ ከሰግንዳ ማትሰቶ ባዛካይሳ ዶእከቲ ዳት የንታ ባዛካይሳ ዶቅንቲን ባችታ ክጭንንዳ ዐይ ማሰቲ።

17 ኤድን ሙዳ ቦንቶከቲ፥ እስመንከሰም ሶልምከቲ፥ ሳብም ጸሰከቲ፥ ባንቶንም ቦንቶከቲ።

ክርሰቶስታ ማጠንታ ካምሰ

18 የታ ፍክሰንባብከሰ የንታ ማታ ቆልሰባብከሰም ቦንቼረቶ ክትምከቲ፥ የክትምድንደረ ላቅም ኤድንከሰካንተኬ ቡዳርንካ አተርድባብከሰካንታ ዐክ ማታክናና ዳቅልንከሰካንተረ ዋሬ።

19 ኤድ ጎፍሰም ክት ዐብድንዳ ጩቤካ ማጣ ተይድዮ ሳብካንታ ጋይሶ ዳንዳእሴ።

20 ዳቅል ይይንተካ ዋጭን ተይደቶ የ ዳንዳእሴ ዐራ የንታ ጎፍሰ ዶቅተራ? ኬዛር ማቼ ኡርማ ይይሰቶ ማጣን የ ተይድንዳ ማቼ ዳንዳእሴቶ ሳብዘንካ ጎፍሰን ዐብድቲ።

21 የ ኤልምሳንደረ ኮትኮካንተ፥ ክርሰቶስ የካንታ ማጠም ተይንተካ ካምሰ ክት ማቻንግንዳ ክተን ሰድሰቶ የጎርሰምድን ግንዴ።

22 ኖ ዐረሰነረ ጎማ ፍክሳክዬ ክታ አፈናርንካ ጩባ ዐረራክዬ።

23 ክትም ከት የግድንካ ማሰትዮ የካክዬ፥ ማጠም ኖ ተይድዮ ጭለትቶካ ፋረድባብ ጮይሰንካንታ ይንታ ማተን ዋደ ጋይሶ እምሳዳት ኬታዘን ይምኤርካንታ ዝጋክዬ።

24 ጎመዘንካ ፋሰምሶቶ ጭልምካ ዎ ዶቅድንግንዳ፥ ኖይንታ ማታርንካ ይንታ ዋሄንካ ዎንታ ጎመን ማዝቀልዘን ባልሴ፥ ክታ ድድንካ የታ ፋጭተቲ።

25 የታ ካይዳን ቆል ግንዳ ይጭምድ ዐቀቲ፥ ታ ማቼ የንታ ሰንፔንታ ግሰመንባብደርኬ ካርሰንባብደር ማተቲ።

3

ከነንተኬ ክእሰተካ

1 ኮትኮግንደረ የታ ከነንከሰ! የንታ ክእሰንከሰካንታ ክትምከቲ፥ ኮትኮግንደንካ ዋልቃ ዋልቀንከሰ ሳብታ ቃለንካ

እመንዳክባብከሰ ማችንከረ ዋራ ቃለንታ ኤስሰንካይሳ ከነንከሰታ እዘንካ ዐክ ጎርሰምካንታ ማደክ ማተሬ።

2 ኬት ጎርሰምካንታ ማድንደረ ጭለጭል ማቻንደትምኬ ኤድም ቦንጅድንዳ ማቻንደት የንታ ደቅንተን ኬታ ይሰድንደትዐኬ።

3 የንታ ላቅምና ማቴም ጋይበካ፥ ዋርቀካ ሰክሰረቶ ቦንቶምሳን አፍላ ቆብርካ የንታ ዘንጎካ ኡርድን ሰክሰካ ዐይ ማታ

4 ኬዛር ማቼ የንታ ላቅምና ሳብታ እሪ ባዘና ኮታ አንድር ቦንቶምሳንደትኬ ካይዳክን ሰክሰካ ቡዳርንካ አትርኬ የንታ ማተን ይርክሳ ይድን አያንንካ ሰክሰምድባብ ቡዳር አችምሶ ዐፈርድንዳ ዋርጎካ ኤደትችና ማታ።

5 ኤናእሪ ሰለናር ይንታ ዐድን ጉርምን ሳብዘን ዛቅሰባብከሰ ሳብካንታ ፋሰምሰባብ ማነንከሰ ይንታ ማተንም ከት ሰክሳንደና ኮግንደካ ዐቄ፥ ኬታ ይንታ ክእሰንከሰካንታ ክትምድ ዐቀኬ።

6 ክትምሰባብከሰረ ሳራ አብራህመም “እስታ ማታ ቆልሰባቦ” ና ጋየሮ ኮት ክትካንታ ክትምድ ዐቃንደትግንዴ፥ የተረ ኡርማ ማቻንደትም ሪ የ ይሳንማቼኬ ዋልቀረ ጳሰዝድር የም ገቅሳክ ማቼ ኮታ ይንቸቴ።

7 የታ ክእሰንከሰ! የንታ ከነንከሰካ ክክን በድ ገቅርካ የካ ደእከቴ፥ የንዘንካ ሰግ ጋፍሳን ፍዝር ከት ማቻንካንተኬ የንከረ ክክን ሰንፔታ ዉች እምንተን ከት ተይድንካንታ ከትም ቦንቶከቴ፥ ኮግንደካ የንታ ምክሰንታ ጎህ ማድንዳ ሪ ይቃዬ።

ኡርማ ይይንተካ ማጠም ተይ

8 ይና ነገዳንደትካ የታ ሙደነረ ክክ ክክ ኤእሶ ደእከቴ፥ አብ ኤድንታ ማጠን የንዘንግንዳ ማሰሰቶ ፋይድከቴ፥ እስመንተኬ ካንሰተካ ግድያር ደቅድን ሶልመንግንዳ ሶልምከቴ፥ ላቅም ኤድኬ የንታ ማተን ይርክሳ ይድባብ ማትከቴ።

9 አንጅኬት ዳት ዳቅልን ዳቅልካ የክታ ካርያር የክት ዐይ ማሰቴ፥ የ ኤልምሳንዳ ኮም ይንተካ አንጀም ተይካንቴ፥

10 ጭል ማጻፍና፥
“ይንታ ሰንፔን ሶልምድባብኬ ኡርማ ሰጨንም ሰድን ዝግድባብ፥

ክታ እድምና ዳቅልሪ ከዛይንግንዳ፥
እፈንከሰ ጩባ ከዛይንግንዳ ክት ማራ።

11 ዳቅል ሪይዘንካ ክት ጎተራ፥ ኡርማ ሪንመረ ክት ይያ
ሳራትቶን ዝጋ ኮትም ክት ጎርሰማ፥

12 ጮይሶታ እፍንከሰ
ጮልንከሰም ሰደኬ፥
ክታ ቃምንከሰረ ኬታ ምክሰን ኤሰርካንታ ፎችምተኬ፥
ዳቅልን ይድባብከዘን ማቼ
ጮይሰ ዋጭካ ይንታ ባለን ኬታዘን ማዝዴ” ጋይዴ።

13 ኡርማ ሪም ይይካንታ የ ዳቅሴ የም ኡፈልዝድባብ
ዐይራ?

14 ኡርማ ሪም ይይንተካ ማጠም የ ተይዴ ዋራ
እንጀም ዐፍተረቱ፥ ኤድንከሰታ ኬዛ ዝግመትን ዐይጳሰቱ
ዐይማጠረቱ።

15 ጮይሰ ክርሰቶሰም የንታ ቡዳር ቦንቶከቱ፥ የንካ ዶቅድን
ዐይን ትርምንታ የም ኦይዝድባብከሰካንታ ኬዘንታ ማሰን
ማሰካንታ ሙዳዐይካ ግግምሰባብከሰ ማትከቱ።

16 የንታ ኬዘንታ ማሰና ማቼ ቡዳርንካ አትርኬ ቦንቶካ ማታ፥
ክርሰቶሰታ የንታ ማትንተንካ የንታ ዶቅድን ኡርማ እዘንዘን
ዳቅል ኬዝድባብ ኤድንከሰ ይንታ ዳቅል ኬዘንካ ኦሰንድንግንዳ
ኡርማ የንታ ገቅር ዶቃጋካ።

17 ሳብታ ጋይታ ማቼ የታ ዳቅል ሪም ይይንተካ ማጠም የ
ተይድንደትዘንካ ኡርማ ሪም ይይንተካ ማጠም የ ተይ ኡርዴ።

18 ክርሰቶሰረ ይንታ ማታርንካ ሳብደር ዋም የልሰካንታ
ኖ ጭል ማትሶ ዶቅድዮ ጭል ዋ ማታክባብ ዋካንታ ዋንታ
ጎመንጎካ ካርንካ ይ ደእዳክንጎግካ ዋልቃዴት ማጠም ተይንተካ
ደእቱ፥ ኖየረ ዋሄካ ደእሴ፥ እያንካ ማቼ ሰለንካ ዶቅድባብ ማቼ።

19 ኮትኮ እያንካ ዞክና ኤሄናር ዶቅድባብ ሰንፔንከዝደር
እይሶ ክላ ኬዘን ከትካንታ ኤሰምሴ።

20 ኬታኬና ዞክና ኤሄናር ዐቅባብ እያንንከሰ ኤና እሪ ኖህታ
ሰለናር ማርከብና ግግሰምድንካ ሳብ ከትም ዳንዳእካ ካርሰዘን
ዶቅድንካ ክትምዳኮተ ጋይሰባብከሰኬ። ኮት ማርከብንታ ዋሪ
እርድሶ ሎቀንካ ፋጭባብከሰ ፋይደካ ላመካይ ማድባብ መርሳ
ኤደኬ።

21 ኮነረ ሎቀና ታ የም አቅዝድንዳ ሰእርታ ካምሰዬ፥ ኮና ሰእርና ዘነታ ጭምም ዐልእዝድንዳ ማታክናና ኡርማ ገቅርም ዐልፍካንታ ሳብደር የልድን ምክሴ፥ የም አቅዝድንደረ የሱስ ክርስቶስታ እምንተንነኬ፥

22 ኖ ጭላር አይሶ ሳብ ባቤንታ ምዝዘኔ፥ ክታይንችንኬ ገችታ ኤረንባብከስ ኣክቴ ጋይሰባብከሰረ ክትካንታ ቆልምተኬ።

4

ሳብካንታ ፋስምሶ ደቅ

1 ክርስቶስ ይንታ ዋሂንካ ማጣ ተይባብ ማቻንካንታ የተረ ዳምንታ ካችምን የጅባብ ኤድግንዳ ኮ ኬዘንካ ዳቅሰቶ ግግምከቴ፥ ይንታ ዋሂንካ ማጠንም ተይባብ ኤድ ጎማ ፍክሰን ነክሰቴ።

2 ይና ኮዘንካ ኦስ ነግድን ፍጨዘን ደቅንት ደቅድንዳ ዋሂታ ዳቅል እንግርን ይይንተካ ማታክናና ሳብታ ጋይቴን ቦድንተኬ።

3 እይሁድማታክባብከስ ይድንደትግንዳ እከኬ፥ እንግርካ፥ ጎዘካ፥ ጎበካ ዋጭሶ በይደኬ ቦሰዝድን ጮይሰ ማታክ ሪካንታ ጎይንካ የ ሰክሳን ሰለና ማዴ።

4 ታ ማቼ ኮርንካ ዝግዝዳክንጎግካ ከትካ ክክን የንታ ዘገርክሳ ነግንተንካ ኬታ በርእደኬ የም የግደኬ።

5 ኬዛርካ ማቼ ሰንፔካ ደቅድባብ ኬዘንኬ ደእሰባብ ኬዘን ፋረድካንታ ግግምሰባብ ክትካንታ ኬዘንታ ማሰን ማዝደኬ።

6 ደእሰባብካንታ ዋራ ነጋክናና ክላ ኬዘና ሳባክምሳንደረ ኮጎኬ፥ ኮግንደካ ኬታ ዋሂንዘን ኤድግንዳ ሙዳ ኬታዘን ፋረዴ፥ ኬታ ይንታ እያንካ ማቼ ሳብ ደቅድንደትግንዳ ሰንፔካ ደቅደኬ።

ሳብታ እመንተንከሰም ኡርመካ ገች

7 ይና ሙዳ ሪታ በእንተና የልቴ፥ ዛብሶ የ ምክሰካንታ ማተርንግንዳ ኡርማ ማክቻ የንታ ዶቃ፥ የንታ ደቅንከካ ዶእከቴ።

8 ሶልማ በድ ጎመን አጅድንካንታ ሙደንዘንካ ሰግ ክክ ክክ ዳቅሰሰቶ ሶልምከቴ

9 ጉንድምካይሳ ክክ ክክ ሶችም ሞግድንደትግንዳ ሞከቴ።

10 ዐክ ዐክ ሳብታ ዉች እምንተንከሰም ኣመንምሶ ገችሰካ የንታርንካ ዋልቃ ዋልቀና ይካንታ እምምሳን ዉቺ እምንተንካ ኣብንካንታ ፍክሳ።

11 ኬዝድባብ ዶቅሴ፥ ሳብታ ቃለንግንዳ ክት ኬዛ፥ ፍግዝድባበረ ሳብ ክትካንታ እምድን ዎልቀንካ ፍክሳ፥ ኮግንደከረ ሳብ የሱስ ክርስቶሶንካ ሙዳ ሪካ ጋለትምዴ፥ ቦንቹኬ ገቶታ ኤረካ ሰለንካ ሰለንካ ክትካንታ ማታ፥ እምንኤ።

ማጣ ሰጪካ ዳቅ

12 እስታ ገርነንከሶ! ኖህግንዳ ጳጭድን ማጠታር ዐፈርዶቶ የ ኤዝዳክንዳ ሶቶ ማድን ሪ የንዘን የልሳንግንዳ ዐይ በርእቲ፥

13 ሰግሰሶ ክርስቶስታ ቦንቸና መያ ማድንደትዐይካ እንድር የም ጉርምስተርንግንዳ ክታ ማጠን ካስምድባብ የ ማቻንከካ የም ጉርምሳጋካ

14 ክርስቶስታ ላምንካንታ የ የከርስ ቦንቸታ ኢያን ጋይነት ሳብታ ኢያንና የንታዘን ዐፈዝድንካንታ የም ጉርምሳ።

15 የንታርንካ ዐየነረ ማጠም ተይድዮ ሰንጋ ደይሰባብግንዳ፥ ድብግንዳ፥ ባቶባብግንዳ፥ ኤታ ሪዘን ይም አርቻይ ናና አርድባብ ግንዳ ዐይ ማታ።

16 አመንድባብ ማትንተንካ ማጣ ክታዘን የልድባብ ዶቅሳን ማቹ፥ ክርስቶስታ ላምንካንታ ሳብም ክት ጋለታ ዳት ዐይ ኦስና።

17 ፍርዳ ዐድንደታ ሰጪና የልቲ፥ ፍርደና ፍክስ ኮት የድንደረ ሳብታ ኤድንከዘኔ፥ ይና ፍርደና ፍክስይ ኮት የድንዳ ዎንዘን ማቹ ሳብታ ክላ ኬዘንካንታ ክትምዳክባብ ኤድንከስታ በእነተና ዐሮክ ማተራ?

18 ጭል ማጸፍና፥

“ጭል ኤድ ዎራ ፋጭካንታ ማድንደና እንድር ማጠካ ማቹ ሳብም ጎይንዳክባብ ኤድንከስ ዐረክ ማተራ?” ጋይዴ።

19 ኮካንታ ሳብታ ጋይተንግንዳ ማጠም ተይድባብ ኤድንከስ ይንታ ኤደትቹን አመንምሰባብ ፍዘንባብካንታ ዋደካ እምሰኮ ኤርማ ሪም ይይካንታ ዐይ ቦሳ።

5

ሳብታ ዎርስም ገቻካንታ እምምሳንዳ ክታ

1 ይና እታ ከትካ ክክን ምክስ ኤሄናር ጎርዝድባብ እ ማቻንዳ፥ ክርስቶስተረ ማጠንታ ማርካ ማቶባብ እታ፥ ኮትኮግንደረ ኦስ እሪ መያ ማድን ቦንቹን ካስምካንታ ማድባብ የንታ ዎክያር ዶቅድባብከስም ምክስ ኤሄናር ጎርዝድባብከስም ዞርድቲ።

2 ዋደ ጋይሶ የካንታ እምምሳኔደትም ሳብታ ዋርሰንከሰም ካርሰከቲ፥ ዋርሰንም የ ካርዘድንደነረ ሶልማ ካይሳ ማታክናና ሳብ ዝግድንደትግንዳ፥ የንታ ቡዳርንካ ማታ፥ ብራካንታ ጭጭካ ማታክናና ፍክሰካንታ የንታ ደቅድን ዝግመትንካ ማታ።

3 ኮትኮግንደረ የንታ ገችታ ጎያር ደቅድባብከሰም ማእሰካ ገች ማታክናና ዉደንካንታ ኡርማ ካምሰንም ሰችንተካ ማታ።

4 ኮም የ ይሴ ዶፈን ግሰመንባብ መያ ክት ማድንደትባይካ ባዳክን ቦንቹታ ዛዉድን ተይደቲ።

5 ኮትኮግንደረ የታ ሰከንንከሶ! ጋልተንከሰካንታ ክትምከቲ፥ የታ ሙደነረ የንታ ማተን ይርክሳ ይይንተን እፍላ ግንዳ ቆበርሰቶ ዋልቃባብ አብንካንታ ፍክሳጋካ።

“ሳብ ኦትረንባብከሰም ግርዴ፡

ይንታ ማተን ይርክሳ ይድባብከሰካንታ ማቼ ዉች እምንተን እምዴ” ጋይምሶ ጸፍሞቲ።

6 ይና ሳብ ማታ ጋይሳንደትባይካ ጩክሳ የም ይድንግንዳ ዳቅማ ክታ አንንታ ጎያር የንታ ማተን ይርክሳ ይከቲ

7 ኖ የካንታ ክት ገቀርድንካንታ የም ማእዘድን ገቅርን ሙዳ ክታዘን ዛእከቲ።

8 የንታ ደቅንከካ ዶእከቲ፥ ንከቲ! የንታ ይምኤንባብ ዳብሎስ ይ ኤቅዘድንደትም ዝግመትካ አገልድን ዞባ ግንዳ የንታ ካንተንካ ኦንግዴ።

9 ፍጫሙደንዘን ደቅድባብ የንታ እሰመንከሰ ኮግንዳ ማጠን ከት ተይድንደትም ኤሰንተካ ኣመንካ ዳቅሰቶ ዳብሎስም ግርከቲ።

10 ቶክም ሰጫካንታ ማጣ የ ተያንደታ ቡሪ ክርሰቶሰካ ሰለንክንደታ ቦንቹናር የም ኤልሰባብ ዉች እምንታ ሙደንታ ጮይሰ ኖይንታ ማታርንካ የ ተያን ማጠናርንካ የም አቅዘዴ፥ ዳቅዘዴ፥ የም ዋይዘዴ፥ ማለካ የድንይ የድምሰባብ የም ማሰተፊ።

11 ሰለንካ ሰለንካ ዋልቃ ክትካንታ ማታ! እምንኤ።

በእንታ ሳራትች

12 ኣመንምሰባብ እሰመኔ ጋይሰቶ እ ገቀርድባብ ሰላሰ ጎካ ኮም ክቲን ጩድካ የካንታ ጸፍትቲ፥ የካንታ እ ጸፍሳንደረ የም

ዘራካንተኬ ኮና ዶፈን ሳብታ ወች እምንታ ማትንተን የካንታ ኤስምስካንታ ጋይሰቴ፤ ኮካንታ ኮ ሳብታ ወች እምንተንካ ዛብሶ ዋእከቴ።

¹³ የግንዳ እድምሳንዳ ባብሎናር ዶቅድን ምክሰ ኤሄናር ኤድንከሰ አቦ ኡርመቶ የካንታ ጋይቴ፤ አመንካ እሰታ ይንቶን ማርቆስረ አቦ ኡርመቶ የም ጋይዴ።

¹⁴ አመንንታ ሶልመንካ ክክ ክክ ሶንቅምካ አቦ ጋይከቴ።

ክርሰቶስታ ማኝባብ የ ሙደንካንታ ሳራትቼና ማታጋካ።
አምንኤ!

5:12 ኦይት. ፍ. 15:22፤40።

5:13 ኦይት. ፍ. 12:12፤ 25፤ 13:13፤
15:37-39፤ ቆሊ. 4:10፤ ፍልሞ. 24።

ክል ጫቃ

Gayil: ክል ጫቃ (New Testament) of Ethiopia

copyright © 2025 The Word for the World International

Language: (Gayil)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

52399b1c-c3b9-53d2-bee1-22d94d5aa3ab